

Dijalog i kompromis moraju biti smjernice za Balkan

Političkim podjelama u Jugoistočnoj Evropi "mora se upravljati tako da ne izbjiju na površinu sa negativnim posljedicama," visoki predstavnik Valentin Inzko rekao je danas učesnicima međunarodne konferencije u Sloveniji.

Upozorio je da su neki političari u Bosni i Hercegovini "pokazali spremnost da poduzmu jednostranu akciju - čak i kad su znali kako štetno to može biti."

Govoreći na Bledskom strateškom forumu koji okuplja značajne ličnosti iz oblasti politike i privatnog sektora kako bi diskutirali o ključnim pitanjima s kojima se Evropa suočava u 21. vijeku, visoki predstavnik je izjavio da politički dijalog i kompromis moraju biti smjernice za Bosnu i Hercegovinu i cijeli region Balkana.

On je rekao da međunarodna zajednica ima stalnu "moralnu obavezu da osigura civilno i vojno prisustvo koje pruža garanciju za mir i stabilnost dok se region kreće naprijed". Dugoročan međunarodni angažman je "investicija u budućnost Evrope."

Dok međunarodna zajednica može održati uslove za postizanje napretka, naglasio je, "brzina napretka će zavisiti od ponašanja izabranih vlasti."

Visoki predstavnik je rekao da Bosna i Hercegovina ima "ogromne prirodne i ekonomске potencijale," ali da sposobnost i talenat građana BiH sputavaju "političari koji su se navikli na stagnaciju".

Visoki predstavnik je zaključio svoje izlaganje apelirajući na "zajedničku viziju" koja je do sada bila "sastojak koji nedostaje". On je naglasio da Bosni i Hercegovini ne nedostaju građani "koji imaju viziju oslobođenu nacionalizma i čvrsto utemeljenu u najbolje evropske ideale."